

Message Five

**Khrih kah Takpum Sakna oen Aka Thai Hinghangna hamla
Pathen kah Tuuhuui la Bawipa kah Thlangboel te Doencang ham
Khrih kah Vanben Bibina oen Bibipui haih Celtuihthli kah Bibina**

Teeham; ; Jhn,10:11, 16; 21:15-17; 1Pit,2:25; 5:4; Heb,13:20; Awl,1:13; 2:1, 7

- I. Saam 22 kalawng 24 toe Khrih te Bawipa kah thinglamtah aduekna kalawng Bawipa kah doencangna kalawng patoeng akalaw ham dung Bawipa kah sengpahrang paihuen toela phawng la aka awm Saam cabu thloep at la awm.**
 - A. Saam 23 he thawkoepna oen vanluina dawng aka awm tuu doenkung Khrih oen tukhai au. Tetah Saam 22 dawng Khrih kah aka tlang duekna oen Thlangboel te aka thoengsak thawhkoepna oen Saam 24 kah Khrih Takpum la aka awm Thlangboel kalawng patoeng diklai pum te aka dangkop ham sengpahrang la Bawipa kah alawkoepna laklaw kah aka tuhphasak thlai la awm.
 - B. Khrih he Bawipa kah vanben bibina dawngah thlaangthli te adoencang tih, mami khawseh thlaangthli te doencangna rangoen Bawipa oenhaih bibipui hamla angoe. He pawlnengna te n'dang u mai kawi nih, Bawipa lawkoep sak ham diklai hanah aka len hinghangna awm poen ai.
- II. Johan 21 ah Khrih kah vanben Bibina oen bibipui haih Celtuihthli kah Bibina te phawng la awm. Tetah Johan awlthangtheen cabu kah asoepna oen soepbirna la awm.**
 - A. Johan awlthangtheen dawngah aboel pakul pakhat awm de catah, tetah atang tangah aboel 20 ah boet sak la awm.
 - B. Cabuciim apum boeih lawng Khrih kah diklaiben Bibina te athui tih, Pathen kah Awl tah thlaanghing la vacooeng tih pumsa dawng aka awm thlaang pakhat la acooengna kalawng atawng tih (1:4), hukhueng Adam la aka thoukoep tih hing pekung Muithla la cooengna oen aboet sak (20:22). Te dawngah aboel 21 he tawmthil koep la ni awm ham awm.
 - C. Tetih thuina tah soeng decatah, anauh la thuisih ti kawi nih Johan 21 he Johan awlthangtheen cabu kah asoepna oen soepbirna la awm. Tetah Khrih kah vanben Bibina oen Celtuihthli kah Bibina lawng Pathen kamthlahna te khuen ham diklai sawah bibipui haihna kawng te tueng sak rangoen Johan awlthangtheen cabu apum boeih te aboet sak.
- III. Johan 10:10-11 oen 16 ah Bawipa lawng tuuthli lawng hingna te betooet la dang sak thai ham atah Bawipa he tuudoenkung theen la valaw tite, Bawipa dawngah atloe tuuthli (gentielthli) khaw awm tite, te tuuthli te avan khuen tih (Juda oengcathli) thooek haih sak la awm tih tuudoenkung pakhat kut ah tuu huuiat bueng (Thlangboel pakhat) la awm sak ham tite hubangthli teng phawng pela awm.**
 - A. Bawipa kah doencangna tah lahma la Bawipa kah diklaiben Bibina dawngah awm – Matt,9:36; cf,10:1-6.
 - B. Bawipa kah doencangna he apabena ah Bawipa kah vanben Bibina dawngah awm tih (1Pit,5:4), Bawipa kah Takpum te athoeng sak ham Pathen kah Thlangboel te akhuituuk hamla awm.
- IV. Bawipa lawng Piter nala Bawipa kah tuucathli te cuuncah ham oen Bawipa kah tuuthli te doencang ham bibipeek la awm.**
 - A. Bawipa athawhkoep coeng van alui thlan ah hubangthli oen haih a awm veng apum tuengnathli khui kalawng voikhat ah Piter nala bibi peek la awm. Tetah vanthli ah Bawipa awm tih, Bawipa a awm nawh vengah Bawipa kah tuucathli te cuuncah ham oen Bawipa kah tuuthli te doencang ham la awm – Jhn,21:15-17.

- B. Hetah Khrih kah Takpum te aka thoeng sak Thlangboel la aka awm Pathen kah tuuhuui te bueh thawng ham Khrih kah vanben Bibina Celtuihthli kah Bibina thoek haihna la awm.
- C. Huben ah Celtuih cabu ah Piter lawng “Teah ni thangthuina oen Awl Bibina benah n’mengteng thai u ai” tila athui (6:4). Hetah Khrih kah vanben thangthui bihna (Heb,7:25) oen Pathen te a thlaangthli khuiah bibi rekraana Bibina oen bawngzawng u haih la awm (8:2).
- D. Piter lawng Bawipa kah bibipeekna te apueh la apoek dawngah apakhatna capat dawngah oengcathli tengah thlemvai veng lawngpui ka phelh aka auh tuuthli la na awm u tih, tahe atah nangmi kah lungbuithli aka buethawng kung tuudoenkung tengla napha u koep poen tila athui – 1Pit,2:25.
 - 1. Khrih he mami kah hingna oen soeprep la awm ham mami khuiben ah awmpoe bueng ouhla, Bawipa tah mami khuiben coengna kah apaihuen te abueh athaawng la awm.
 - 2. Bawipa he mami coengna khui kah atheen nate khuituukna oen mami kah asoeng thlaanghing la aka awm lungbui kah paihuen te abuehthaawngna rangoen doencang la n’awm u – cf, Heb,13:17.
- E. Piter lawng ahamcathli tengah nangmi oen haih aka awm tuuhuui te doencang ham ata nawt, tedengah tuudoenkung alaw vengah, aka uepawm ahamcathli lawng aka reu thai nawh bawilen lumuek te adang u ai – 1Pit,5:1-4.
- F. Piter kah awl lawng Khrih kah vanben Bibina he awlpui la Bawipa Takpum te aka thoengsak Pathen kah thlangboel te Bawipa kah tuuhuui la adoencang tite atueng sak.

V. Celtuih Paul kah ahui kah awlthli lawng khaw Pathen kah tuuhuui te khuituuk ham Celtuihthli kah Bibina oen Khrih kah vanben Bibinathli athoek haihna te atuengsak.

- A. Cel,20:28 ah Paul lawng Efesa khaw ah aka awm ahamcathli nala “te dawngah nangmi hue ngaithuen u lah. Pathen lawng athi oen adang (nawhatah lai la aka awm) Pathen kah Thlangboel te doencang hamtah Ciimuithla lawng nangmi te doencangkungthli la n’aawm sak tih, tuu huuiat te khaw ngaithuen u lah” tila athui.
- B. Paul lawng “Kai ka awmnawh huah metangthli lawng tuuthli te reen ouhla, nangmi tiimah vakun ai tite ka ming” tila athui (athan,29). Celtuih lawng ahingna te khuituuk nawh de catah (athan,24), ahieh oen Pathen ham phu aka awm kaawn Thlangboel kah hailam hamla broe nawhla ngaithuen la awm.
- C. Paul lawng Heb,13:20 ah “dungzan paipi kah thisen rangoen tuuthli te aka doencangkung mami Bawipa Jesu te duekna kalawng aka doekkung Pathen he” tila athui.
 - 1. Dungzan paipi lawng Takpum te athoeng sak tih, Jerusalem khawthai te aka soepbir sak ham Thlangboel la aka awm tuuhuui te dang ham awlkhueh thai kah paipi la awm. Pathen kah dungzan paipi he doencangna rangoen Jerusalem khawthai te soepbir sak ham ni.
 - 2. Pathen lawng dungzan paipi angla Jerusalem khawthai te soepbir sak hamla mami kah Bawipa te tuudoenkung la duekna kalawng thawhsak la awm.

VI. Khrih kah vanben Bibina oen aka thoek haih Celtuihthli kah Bibina kah aka awlpui mentengna oen kawltung tah Pathen dungzan kamthlahna soepbir ham Jerusalem khawthai te aka soepbir sak ham Khrih ham Takpum te sak hamla ni – cf,Efe,3:2, 8-9; 1Pit,5:10.

VII. Pathen dungzan kamthlahna kah awlpui mengtengna aboetkoek soepbirna hamla Pathen kah tuuhuui te doencangna akawnglam te Laathli kah laa dawngah thui la awm.

- A. “Ka lungna nang, meah nuem na tuuping na doen (ngaikhuekna hamla) tih, khawthuun vengah meah nuem na tuuthli na duuem sak tite van thui lah (duuemna hamla)” – 1:7a.
- B. “Tuuhuui kah acehna khawleh te thuih lang tah, nang kah ma-ee cathli te tuudoengkungthli kah imcathli tengah cuuncah lah” – athan,8b.

- C. “Ka thlangngaih tah kai hutla awm tih kai khaw ahah hutla ka awm; Bawipah ah lily paaithli dingah pawngpaa (Khrih aka tlap thlaangthli tah pakhat bueng thinkaw oen Pathen dawngah ueppang hingna te ahingpui u)” -2:16.
- D. “Kai tah ka thlangngaih koela ka awm tih ka thlangngaih khaw kai koe la awm; Bawipa lawng tuuhuui te tuuhuithli te lily paaithli dingah apawngpaa sak” 6:3.

VIII. Oengcathli te doencangna tah hingna dawngah tethli kah aroengna hamla awlpui tangkiik. Mami tah awlthangtheen thui ham oen Thlangboel hinghang sak hamla doencangna lawngim te n’khuen u ham ni.

- A. Mami lawng “Bawipa, hinghangna kheuh ka ngaih. Tihin kalawng kai tah doencangkung pakhat la awm ka ngaih. Kai tah thlaangthli te cuuncah ham, doencang ham oen thlaangthli te tuuhuui khui la cingcui ham ceh ka ngaih” tila thangthui ham angoe.
- B. Johan 10 oen 21 thli dawngah Bawipa tah doencangna oen tuhkai tih he awllungthli he ahawna – cuuncahna, doencangna oen tuuhuui (10:16; 21:15-16). Mami khawseh tuuhuui ati awllung te varb la n’hawna thai.
- C. Thlangboelthli boeih he tuuhuui khuila metih n’cingcui sak ham tite n’cang u ham ni, tedengah tethli tah cuuthaihna awm u thai ai. Ahamcathli oen bibihuithli lawng hehe atak la sai ham amaawt u ham ni.

IX. Sui haivangtung te hingnaben thlaihvawngna tah Bawipa kah hingnaben doencangna kalawng patoeng taacathli thoengsak ham Thlangboelthli te Bawipa kah thlaanghing coengna dawngah buehthawngna oen Bawipa kah Pathen coengna dawngah cuuncah la aka awm khrih kah vanben Bibina la awm – Awl,1:13, 2:7; Jhn,10:11, 14; 1Pit,2:25; 5:4; Heb,13:20.

- A. Thlaang Capa tah Bawipa kah thlaanghing coengna dawng awm tih, sui hingceen zeen tah Bawipa kah Pathen coengna te huhsak tih, raang hetah lungna kah noekna la awm.
 - 1. Khrih tah Thlangboelthli te thoengsak ham Pathenben bibi hamla tharaa sak ham hingceen ah hingceen azeen de catah (Exo,28:4; Dan,10:5), tahe Bawipah ah Lungna rangoen athoengsak thlangboelthli te akhuituuk hamla araangah hingceen zeen la awm (Awl,1:13).
 - 2. Sui hingceen zeen he Pathenben saithaina la Khrih kah Pathen coengna te huhsak tih, raang hetah Thlangboelthli te cuuncah ham he Pathenben saithaina te Bawipa kah lungna rangoen tahuek, hawpaina tite huhsak la awm.
- B. Khrih lawng Thlangboelthli te buehthawng ham thlaang Capa la Bawipa kah thlaanghing coengna dawngah Thlangboelthli te abuehthawng la awm – athan,13a.
 - 1. Bawipa lawng haivang tung kah hai khuatthli te anep la awm ham aroekbah tih, mami kawhoe, ngaikhuek tih tluiep ti sak ham abuehthawng la awm – Exo,30:7; cf,Saam,42:5, 11.
 - a. Bawipa kah mikhuh lawng mami kah duemna, tluiep tina, boengha hoihna, silhciimna oen thapeekna rangoen mami coengna te buehthawng ham kawdungna oen betuerna aka awm tengvai te bawm cem la awm.
 - b. Mami tah hingna kah cuuncahna te dangham Thlangboel dawngah Bawipa mikhuh kah buehthawng la aka awm tengvai te n’awmngaih u thai – Efe,5:29; cf, 1Tim,4:6; Efe,4:11.
 - 2. Bawipa lawng haivangtung kah haikhuatthli kalawng hai-eekthli te areet tih, mami kah angna aka kanghalh sak athen nawhnathli boeih te reet sak la awm – Exo,25:38.
 - a. Hai-eek kah aka ung tih, aka thih vik athloep hetah Pathen apoekna ang nawh tahihuthli, mami kah thisa, pumsa thlaang, kai tina oen suenruem angla reet ham angoe thaihuthli te huhsakna la awm.
 - b. Bawipa tah thlangboelthli tiim kah pek bounathli boeih (thawlhpalhnathli, ngoengaihathli, sungnathli oen pawcinathli) te areet tih akhooe, tedengah

Thlangboelthli he arilh, muisam oen atuengnathli dawngah phek vai u poen ai – cf,1Kor,1:10; 2Kor,12:18; Fil,2:2.

C. Khrih lawng thlangboelthli te cuuncah ham araang ah azeen sui hingceen zeen rangoen huhsak la ka awm Bawipa kah Pathenben lungna oen Bawipa kah Pathen cooengna dawngah thlangboelthli te abuehthaawng la awm – Awl,1:13b.

1. Bawipa kah aka soep Bibina cadoelh pathum dawngah soeprep aka thum Khrih la aka awm Bawipa amah lawng mami te n'cuuncah. Tedengah mami tah Bawipa dungzan kamthlahna te soepbir sak ham atah Bawipa kah taacathli la cooeng ham Pathen hingna dawngah rooeng tih hamkhuek thai la awm ai.
2. Zingzawi la aka awm Khrih la Bawipa lawng thlangboel pakhat rip kah apaihuen te mingciim tih, awl aka thui Muithla la Bawipat ah haivangtungthli te atlahvawng tih, Muithla kah bawmcmerna la haitui thai rangoen sangthil la awm – 2:2,8; cf, Exo,27:20-21; Zak,4:6, 11-14.
3. Bawipa kah tatvuet bisaina dawngah thumhaih ham oen Bawipa kah khuituukna te awmngaih hamla mami tah thlangboelthli ah n'awm u ham ni.

X. Khrih kah kawpoekrai doencangna kalawng patoeng mami tah tihin oen dungzan tue pahih bawk ah mami kah zouthen nala Bawipa te n'awmngaih u ham ni – Isa,49:10; Awl,7:9-17; Jhn,6:35; 4:13-14; Saam,36:7-9; 91:1; Isa,12:1-6; Awl,22:1.